

UGANDA PRIVATE AND INTEGRATED SCHOOLS' ASSOCIATION
UACE FINAL ASSESSMENT EXAMINATIONS

LUGANDA
(Amateeka N'Enkozesa y'Olulimi, Obuwangwa n'Abawandiisi)

OLUPAPULA OLUSOOKA

Essaawa bbiri n'ekitundu (2½)

EBIGOBERERWA;

- a) *Olapapula luno lugabanyiziddwamu ebitundu bisatu; A, B ne C.*
- b) *Ekitundu A kya buwaze.*
- c) *Mu kitundu B, kola nnamba 2, 3 ne 4. Oweereddwa eby'okulondako by'oyagala okuddamu.*
- d) *Mu kitundu C ggyamu ekibuuzo kimu (1) ng'okironda ku bikuweereddwa.*

EKITUNDU A
(Obubonero 40)

- 1a)(i) Wandika nnakinnyindwa eziri mu Luganda. **(Obubonero 2)**
- (ii) Ennukuta ezo waggulu buli emu gikozese mu kigambo ng'ennyingo mw'eri egoberera ennyingo ewangaala, era osaze ku nnakinnyindwa gye weeyambisizza (buli nnukuta gikozese mu kigambo ekyetongodde). **(Obubonero 4)**
- (iii) Saza ku nnyingo eziwangaala mu bigambo bino wammanga; **(Obubonero 2)**
amagengere
ebizimbulule
- b)(i) Mu sentensi zino wammanga saza ku nnyingo omweyolekera ssenfo; **(Obubonero 2)**

Ebigambo bye yayogedde wawuliddemu ekikuwaana n'ekimu?
Bamugambyeko nga bw'ajjudde ekko yenna n'azimba ng'embogo!
- (ii) Wandika sentensi bbiri nga buli emu erimu nakalazi gy'osazizzaako. **(Obubonero 2)**
- c) Sentensi zino wammanga ddamu oziwandiike mu nnakamwantette. **(Obubonero 4)**
 - i) Obulwadde bulinnyiddwa ku nfeete olwaleero.
 - ii) Ku nkomerero abantu baliramulibwa mu mazima meereere.
- d)(i) Nyonyola engeri ssatu obubonero obuwaabi ze bukozesebwamu. **(Obubonero 3)**

(ii) Wandika sentensi zino wammanga mu butuufu bwa ggulama. **(Obubonero 4)**

Ssenga yamuboggedde nti “Lwaki otuswaza ewa balo obwenkanidde awo”?
Yabalumirizza nti “mukomeewo olwaleero”.

e) Mu sentensi zino wammanga genda ng’osaza ku nnakasigirwa. **(Obubonero 4)**

- i) E Mbale n’e Gulu yo nga wala bulala!
- ii) Emyaka gyekulungudde nga tubuuzaganya yadde tewali nkolagana.
- iii) Amapaapaali ge go mugamuwadde?

f) Mu sentensi zino wammanga genda ng’osaza ku kabonero k’ekiseera. **(Obubonero 4)**

Naye osanga balidda ku olwo.
Omuvubuka jjuuzi yeezooba n’omuserikale olw’okumukwatira mu bubbi.

g) Kola nga bw’olagiddwa mu bukomera. **(Obubonero 6)**

- i) Ndikubbira akakajjo e Bbira singa okkirirayo. (Saza ku kawakatirwa akali mu sentensi)
- ii) Muwala wo bamuteeredde embwa era ajja adduka. (Saza ku kikolo ky’ekikolwa ekisaziddwako)
- iii) Nedda, sija kulya sumbuusa. (Wandika ekibuuzo ekisaanira ekyokuddamu ekyo)

h) Wandika ekigambo kimu ekitegeeza ebyo ebisaziddwako wammanga. **(Obubonero 3)**

- i) W’olaba amalaalo ago gonna amayitirivu si we mujja okunziika.
- ii) Ssaalongo ava kulangirira nga bw’azadde abalongo era ffenna tuli basanyufu.
- iii) Omuggo gw’obwakatikkiro mu Buganda omanyi gye guterekebwa?

EKITUNDU B **(Obubonero 40)**

Ddamu ebibuuzo bisatu (3) mu kitundu kino.
Kola nnamba 2, 3 ne 4 ng’ogoberera ebikuweereddwa.

Ddamu 2(a) oba 2(b).

2a) Okunafuya empisa y’okwalula abaana kudobonkanyizza kutya obugunjufu bw’Omuganda nga bwe bwamanyibwa okuva edda? **(Obubonero 20)**

Oba

b) Nyonyola empisa y’okukomaga mu Buganda ng’otandikira ku kusubula omutuba okutuuka ku lubugo olutuuse okugenda ku katale. **(Obubonero 20)**

Ddamu 3(a) ne 3(b).

3a) Ku bisoko ebikuweereddwa wammanga londako bisatu (3) onnyonnyole amakulu gaabyo
(Obubonero 6)

- i) Okusiba enkumbi enkalu
- ii) Okuteerayo omuntu akabega
- iii) Obudde okugayaggaya
- iv) Okuseka amakwekansaamu
- v) Okutemeza emabega w'emitayimbwa.

b) Ku bisoko ebikuweereddwa wammanga londako bibiri (2) obikozese mu sentensi
eziggyayo obulungi amakulu gaabyo. (Obubonero 4)

- i) Okuggyayo n'agoomu buto
- ii) Okuzinira ku ntoli
- iii) Okulya emyungu obuteesokoola.

Ddamu 4(a) ne 4(b).

4a) Maliriza engero bbiri (2) ku zikuweereddwa wammanga nga bwe zoogerebwa.
(Obubonero 4)

- i) “Kifundikwa kirinsabira,”
- ii) ye yeetenda okugonza.
- iii) Anaakuggya ennimi,

b) Ku ngero ezikuweereddwa wammanga londako ssatu (3) onnyonnyole kye zituyigiriza.
(Obubonero 6)

- i) N'omugezi awubwa, amatu tegawulira vvumbe.
- ii) Omwavu aliisa nnyindo.
- iii) Obuteeraba, bukuvumya akusinga.
- iv) Gwe kitaliiridde nnyina nti, “Linda bukye.”
- v) Ebirungi birekwa, Nsingiisira yaleka omuwemba.

EKITUNDU C **(Obubonero 20)**

Ddamu ekibuuzo kimu kyokka mu kitundu kino, ng'okiggya mu 5, 6 oba 7.

Kola 5(a) oba 5(b).
Andrew Kibuuka Ddamba

5a) Nyonnyola obuweereza Andrew Ddamba bw'ayiseemu okulwanirira ekitiibwa kya
Buganda ne Uganda okutwalira awamu. (Obubonero 20)

Oba

b) Ggyayo obubaka Ddamba bw'ayagala bannayuganda bamanye ng'ayita mu kitabo kye
'Awo Olwatuuka.' (Obubonero 20)

Kola 6(a) oba 6(b).
Fred Masaazi Masagazi

- 6a) Fred Masagazi afuuse enkuluze y'obuwangwa eri abo abanyumirwa ebitabo bye. Ttaanya endowooza eyo. **(Obubonero 20)**

Oba

- b) Wewaawo musomesa omukugu, kirabika ebyo by'atunyumiza Fred Masagazi tabiggya mu busomesa mwokka. Laga obutuufu bw'endowooza eyo. **(Obubonero 20)**

Kola 7(a) oba 7(b).
Cranmer S. Kalinda

- 7a) Mu abo Kalinda b'akubye enkata mu biwandiiko bye, bannabyabufuzi basaanye bamwebazeemu ak'ensusso. Nyonyola obutuufu bw'ensonga eno nga weesigama ku kimu ku biwandiiko bye. **(Obubonero 20)**

Oba

- b) Awatali Kalinda, eby'enjigiriza mu Uganda byandibadde mabegako okusinga bwe biri kati. Olowooza lwaki? **(Obubonero 20)**

BIKOMYE WANO